

博

趣

齋

藁

博趣齋藁卷第二十一

記

先母壙記

嗚呼痛哉正德二年七月二十五日戌時吾母卒於京師寓第時家君爲戶部左侍郎奉命使于常州而不孝子雲鳳在山東病不知藥不嘗棺斂不親視具卒後九日始得家報嗚呼痛哉葬有期不忍爲記期已迫而又不忍不書也吾母姓馬氏山西和順人父諱禎爲縣學生強毅有志畧不能少挫於人有古豪士之風鄉試屢不偶三十二以死人感惜之無子而

三女吾母其仲也生於宣德五年八月十三日年及笄歸家君脩謹嚴正家人敬服女紅婦道宗黨稱說成化二十三年以雲鳳爲禮部主事

憲廟上

皇太后徽號推

勅封安人弘治三年家君爲吏部員外郎考最誥封宜人弘治十八年家君爲光祿卿

今上上太皇太后

皇太后尊號推恩

誥封淑人自家君弘治七年爲太常少卿凡遇

命婦

宮中行慶賀禮吾母與馬雲鳳爲負外郎郎中兩扶
肩輿入朝見者以羨吾母吾母喜焉

賜鈔必手奉歸藏之不輕用也吾母平素多疾近舊
病皆愈惟患右目正德元年九月雲鳳以陝西提學
副使上萬壽賀表至京得見吾父母先是弘治十一
年雲鳳以罪謫陝州知州其冬朝覲至京兩閱月即
歸至是九年矣事竣亦僅兩月例不得久居察吾母
飲食步履不減于前而齒髮容貌頗近衰雲鳳自幼
未嘗離親側因循苟簡狎恩恃愛不知所以事親之

道去陝州以來又曠定省乃思平日欠缺多矣欲求
近地以便養而不可得與吾母號哭而別後欲棄官
疏已具以父命不獲自遂既無可柰何則竊念吾母
沉痾既去目患雖可憂無大害也嗚呼豈意偶得腹
疾臥纔六日而遽至此極耶得年六十有八而已終
天之恨曷有窮極吾母勤儉朴素雖累受

褒封父享榮貴冠飾衣袍無所芬華性敏慧家人不
能欺聞談

國政官務人事世故能斷其得失情僞事舅姑曲致
孝敬有人難能者子男二雲鵬義官雲鳳山東按察

使女二一適潞州儒生張拱壁一適定襄舉人薄微
孫男四之臣舉入之道之德德郎天女四皆幼正德
三年二月十六日葬於縣東六十里虎峪石門巖先
塋嗚呼痛哉

邢臺縣新建譙樓記

天制化以聲動物惟雷惟風震奮呼號萬物聽焉以
生以歛聖人制器以聲動民惟鼓惟鍾鐃鈞鐃鞀萬
民聽焉以作以止蓋自帝王作樂八物之音備而鍾
鼓之用大朝會燕饗祭祀軍旅徒役之事鍾鼓無不
及而晨昏之間所繫亦匪輕然鍾鼓必度之高以致

其聲之遠古人多作樓於城上謂之雉馬邢臺爲畿
內名邑路當南北之衝車馬商旅之所輳集衣冠士
夫之所游處民繁物富地廣務殷宰於是者大抵汨
沒於簿書奔走於送迎不暇問所謂樵樓者自

國初至今且百四五年而前代之遺跡亦泯焉不
聞也正德己巳宰獲嘉王君希孟有意於是始募方
築臺乃遷刑部郎以去陝西李君鳳繼之即欲恢其
功而值水旱饑饉師旅供億有時詎舉羸之戒壬申
盜平民安君曰可矣遂請於太守劉公溥而舉是焉
肇工於六月十五日至七月三十日匠氏告厥成力

取於在官之役民不知勞費取於聽訟之入公無所損崇樓嚴嚴鍾鼓左右於是邑之耆白父老山谷之民來游來觀載詠載歌出入息早夜不忒予惟今郡縣守令選更解慢者塊然無所事事雖解宇傾圯而弗能治其精強能事之人往往好興土木以病乎民甚有漁利其中者李君有辯劇之才以其餘力逮前此未有之績一意爲公而無所私焉觀此一事餘可知矣君自鳴朝西安後衛人先爲沁水教諭以能教聞

曹繡衣奉 勅閱試邊關時正德七年五月也

事竣回朝作此送別

齊魯同遊憶昔年偶逢

皇命遣巡邊
帳前弓劍三軍月
臺下風霜五月天
正喜驚車來赫赫
忽看驄馬去翩翩
中原莫道無征戰
却恐貪殘未改弦

送解銀張主事歸蒲省親

六轡西飛擁節旄
出關風雪未辭勞
文章自得山川秀
名姓頻題甲第高
遙峯喜看金作餉
庭闈新見彩爲袍
皇家使者非無事
須采民風達

聖朝

傳趣齋藁卷第二十二

分題寓別詩引

行有贈古也言而詩詩而有所指以起焉此興之流而古之變也故君子不廢焉禮部郎中王君應韶出守陝州寶彝相知預設燕餞賓客數人人爲二詩詩各有題以寓贈言之意蓋取諸此其始作也或談陝之故蹟有底柱者曰此禹功也應韶正色危言表然立於朝識與不識皆知傾仰以是徃治陝其濟乎某蓋賦是或曰蔽芾甘棠召伯所菱自陝以東皆是也而始于陝故今以甘棠名驛召公之遺應韶繼之某

盡賦是二題既立衆以爲然然作者尚多詞厭復出
遂相與搜閱陝志歷選名勝以盡古今之變而底柱
甘棠大矣烏乎有底柱之德則可鎮天下之繫撼有
甘棠之德則可綏天下之流離豈惟一郡哉至於斟酌
議擬激昂闡固有道焉及其歸也無愧于古而已矣
應詔茲行罔曰跡異惟其心同勿難厥難勿易厥易
以合中正爲前人先不亦可乎後之視今猶今
視昔焉知今之舉不爲他日之故事也諸作既成寶
楷爲引弘治戊午二月六日奉議大夫戶部郎中吳
錫邵寶

鐵牛

河北偃牛尾河南峙牛頭牛身旦河內萬古鎮陝郭
作者云自禹精深協神謀母金甌子水以類坤爲牛
默奪造化用一沈永不浮摩挲太古色至今幾千秋
公行視其脊欲鞭且還休奇非銅槃比質有石鼓侔
願言頌公德屹然坐中州中州不足撫四海六橫流

石壕

吾聞石壕路昔吏今無之偶閱陝州志因傷杜陵詩
召戒始女禍反復必至茲吏也非得已不幸當其時
乃今數千載地里若改移俯觀黃河闊旁觀原田滋

雞聲呌白晝，挈榼餉東菑。欲問天寶事，石壕故無知。
作詩告太守，保此恬與嬉。恬嬉守所愛，滔滔竟何其。

邵寶

西樓

送君之虢州，聽我歌西樓。西臨潼關之古道，北瞰大
河之奔流。草青綿而漾，春山莽蒼以橫秋。遷客一登
眺，或可以寫胸中萬古之閒愁。君有長才領州牧，四
境赤子瘡痍待君瘳。待君瘳，百廢興，乃以遨以遊，瞻
北極，俯東周。手揮紫毫目送輕鷗，放歌天地窄，醺酒
風雲收。醉呼甘棠起召伯，耻與後代詩人儔。

望仙臺

河上公結廬峭函東吸元氣餐清風出入紫府隨風
龍道尊不可招車駕親幸乃授書一通河上公今安
在丹成已上升漢家天子空相待築臺望公公不來
白日蒼霞映光彩河上公真有無千年廢址生寒蕪
君今登臺興不孤笑指羽化非吾徒采風但寫幽風
圖神仙之事安足模

太原喬宇

函谷天險

斗載官南宮一旦謫居陝左對峭山右洪河萬古函

關號天險緬懷遺跡感慨生地形不改人事更長安
金榜同時客眼見雙尖鬢毛白窮居非損達不增念
之曠然神思澄州民彫弊待賢守且向東風勸農晦
阿對泉

京國交遊十載多東郊此別意如何省垣往事真成
夢漳水新盟尚未訛楊柳不知離客恨流鶯似欲向
人歌陝州到日春將盡阿對泉頭按輿過

晉陽王瓊

桃林塞

桃林高控秦中路勢走青霄莽回互積霰西飛華岳

陰鷲沙東接潼關暮憶昔周郊戈始嫪六軍歸農
輪輓犢千頭綠草肥舊桃十里紅香遠後王恃險
崇關防高原幾作爭戰場紅桃漸稀白骨盛朔風吹
冷秋雲黃

國家一統無分壤關南關北敵兵使百年不識征聞
聲萬物重瞻太平象陝州使君號道直重自春官臨
郡國古人德教期有成俗吏文移拘未得陝州保障
真長城還憑文化銷甲兵便令賣刀買牛犢桃林處
處開春耕

逆旅亭

遙遙逆旅亭冠蓋紛相集朝送秦客歸暮導燕賓入
亭南浩雲浮亭北漫水流雲水變今古客路何時休
英英陝州守謫官漫水口昔對春宮花今詠秋河柳
人生如萬物榮悴亦易時荒亭未堪託芳政還永垂

江都趙鶴

澄瀾堂

洪川漫千古適與吳公會觀瀾契其心作堂水之匯
高檻俯清漪涵照盡於穢劉公感後來撫壁題詩在
賢明顧異時圖志具登載雕甍儼崢嶸州民仰遺愛
有美春官郎中

朝勵風驟行矣把一麾居然兩公代願以揚斯瀾枯
澁廣沾溉名堂乂益光功業期君待

蝦蟆泉

人云古州治有泉出其右發源地中來分流從石竇
今古流不窮冷然夜而晝一鍾注澄泓凜冽凌珉甃
了非鱗介居疑有蛟龍守歲旱即禱之滂沱發涓流
猗彼韓公詩逝茲蹟維舊君行酌斯泉載將芳潤漱
沛作商家霖神功彌宇宙

義興杭濟

砥柱山

繫黃汭之鵠噴兮原萬里而自天道陝東其焉如兮
卒執扃而洄沿方橫衝之無端兮習焉適此孤植豈
夏后呂莠疆兮遠鄉景而徠服叶殯不設縱其漫漫
兮物孰爲之涯許龍門呀于山禁兮走離離而就下
河中立而閱波兮天界之呂其肩羗春撞之爲鎮兮
昇尋常之洲淤叶吁嗟垂衡之瀾狂兮繫古今而有
之惟君子之姱節兮潛歎挽于當昔叶北讐之所蔽
兮誠蹇蹇之不能舍叶殯凶放謫而不諱兮亦人中
之砥柱五馬儻其行色兮叶驟驟煖之東風叶半叶應韶
訴余以別兮叶詎余以楚噲悵甲龜之莫留兮叶導南陽

之屬郡披輿志而興衰兮尚茲山之可問自處之介
植兮靡儔恃其巖岑計兩間之博大邛風裁而心歎
拳建業之石城兮山朱陵於衡渚岵何爲乎漢川兮
堆河敵濤灩澦及當岵昌言于奇勝兮多不滿於角
功雖刻籍之贊紀兮辨裛瀛而幾同置橘以爲像兮
靈均之有意也余茲托而敵詞兮寔先生曩之態也
態叶

獨遊山

三黜坐直道一麾當左遷王君笏陝郡符竹勞承宣
地異長沙之卑濕路非潮陽之八千前人雅重文章

守逐客健尋山水緣美酒曲術何必惱敲門挽屋事
草草潛虬暫借尺冰居骨相難應薄書老有時按部
過閬鄉秀句滿供風月囊積翠萬尋歌馬傍仙遊誰
復原軒皇寒室中折見草樹松栢蔚茂芝蘭芳達士
救心等今古登臨底事須吾士平生真賞寄林壑肯
呂粗官繼簪組春送東風兩足閑謝公履蔭獨遊山
向來蹤跡殊無端天倚寥廓窺塵寰百年滄滄岐路
間回首冰雪凋朱顏金石志礪困不悔江山形滯名
應在一搏弔古竟屬誰敲希甘棠有遺愛廊廟而今
正渴賢持衣售暑還渠輩不才孤抱鬱憂愴靈臺斯

文憇風驟願子靈鳬養健翰浮雲寧久翳長安作
年會有刀頭夢飛渡羊腸百八盤

柳楊何孟春

披雲亭

秦關雄峭函陝石東迤邐峨峨羊角峯嶺屹相倚
上有百尺亭飛翠拂雲起相傳明昌間傑構輝稊稭
丹崖傳夕照迅景逐朝駛獨餘披雲名載在此州史
太守今謂誰虎谷天下士五馬行春餘吊古時至止
捫蘿上青霄聽松濯幽耳高懷寄千載游目極萬里
見京亦瞻雲陟岵仍在岷平生忠孝節益爲遷謫砥

再拜甘嘗陰召伯有芳軌苟能效微塵盤錯寧憚此
四野桑麻春花茂望中是全銷逆旅情頗與豐樂似
西望繡嶺宮瓦落臥荆杞砥柱何崔巍危波激孤峙
慰子獨遊篇雙魚托伊水

神雀臺

陝東有高臺矗矗古道傍問其築何年曰茲歲在唐
神鳥羽赤色歲誕此迴翔紛披動雲物突沒隨陽光
所貴靈異踪遂永千百霜重華昔馭世覽德來鳳凰
卓哉西岐君鳴鳥亦在崗我明懋神化召協虞周祥
有美丹山姿翹羽來克彊禮羅致南宮雖咭奏明堂

百鳥戢不語側身避鷹揚九苞本稀世可見不可常
翩然振遠翮高臺一相羊臺上何所有飛雲接扶桑
臺下何所有梧竹紛成行雲其霈雨澤惠此中州荒
竹以礪堅節歲晚各蒼蒼倚桐蔽清陰憇者懷甘棠
坐使潁川瑞異代呈闕鄉逝者勿復道鷗鵬羞頡頑

江東陳欽

繡嶺宮

公餘何處堪登眺異代離宮尚有基今日空林惟鳥
語當時深殿貯螭眉泉聲訝落丹墀樹色疑開翠
鳳旗聞說梁公親侍從此心千載足相師

墨池

學書人去跡猶傳春水湛湛汎煖烟感物可能忘筆
諫知君心更出公權

蕪湖李贊

甘棠驛

惟陝州之有驛何甘棠之擅名曰此召公之所遺有
歌詠於西京昔姬周之興聖公宣布以南行至北邙
而桓盤憇佳樹之敷榮公已去而澤留人見樹而愛
生慨念當時兮千載悵望匡樹兮曷尋惟斯名兮不
朽揭高扁兮常欽送虎谷兮出守想古驛兮常臨皇

有澤兮吾沛民有隱兮吾心他日人思虎谷兮方知
人之才無古今

茅津

渺平野之千里有春秋之故津水汨汨兮赴海草青
青兮迎人慨時代兮已改痛往事兮誰陳昔秦穆之
違言乃利危而侵鄰既拜賜於彭衙復逞忿而不悛
濟斯津望秦山焚其舟兮誓無還取王官兮封骸尸
向來蒙耻兮方田頰嗟秦晉之交兵兮已灰飛而煙
滅惟今古之愁人兮聽啼鳥之喧喧送虎谷兮出守
想案牘兮多閑幽懷吊古而有賦兮無惜示予之庸

尋

魏整草堂

蕪湖李貢

我聞魏處士蕭然逸陝郊平生不作兒女計數椽之
屋一把茅繞屋好山青未了出沒烟雲接蓬島幽居
已入

帝畫看風月無邊屬詩老吁嗟處士骨已仙琴枯鶴
焚茶無烟草草堂夜夜但明月空有老鶴鳴風前南宮
先生暫作州公餘五馬來尋幽添茅築土慰精爽圖
經滲漏勞重脩思賢此日元非遠一曲清歌興非淺

美人解后亦良緣
惟底少微光
耿耿

張芝墨池

我聞張長史醉墨天下奇
至今陝郿之域陰猶有張
父之墨池
毛生禿蓋不知幾墨鄉
遺垢油池水驪龍
夜夜吐玄雲
黑帝幾回鞭不起
長史不復作此池空
自存獨有牧牛兒
時來飲其渾池上
忽傳來五馬袖
得端溪貴無價
自臨池水洗鸛鵲
白鳥驚飛錦鱗下
一洗肌骨清
再洗通神明
南宮草聖入三昧
長史不
敢爭聲名
三洗四洗金可試
洗盡平生不平事
州前
鐵漢可與言
獨立乾坤勵初志

汝南強晟

贈寅長王君知陝州序

弘治丁巳春三月王君應韶上疏極詆中貴闕左道
特論危之

天子知其名置不問冬十二月朔

車駕還自泰壇君以事出知陝州予素辱知于君所
得於君者多矣予忍違君乎哉君平生坐立言動皆
不高處私室如在公門暇日未嘗不對聖賢語予見
而悅之爲性嚴察吏不能售奸當事無忌諱與人交
儼然不脂韋相逐予見而悅之爲詩文核而奇能自

作古興至揮灑辭翰莫絕予見而悅之凡予之所累
括而未能者皆君之能事予之得於君者多矣予忍
違君乎哉初君弱冠舉進士爲春官郎者七年予始
備員從君後又三年于茲矣恒以君位望年勞當遷
予請益之弗終也而竟以是行于予心何如哉雖然
君之行無歉焉彼有惜君者曰春官郎內也導也其
至於通顯易也州守外也卑也其至於通顯難也卑
且難將弗獲大厥施乎嗚呼此豈知言者哉今天抑
之而使揚遏之而愈光者道是也古之君子寧屈位
以伸道况未至於屈乎且所謂大其施者未聞有過

於周召者矣一陝之墟二公嘗並治焉其後成王不
使君陳畢公高繼之觀其言曰爾有嘉謀嘉猷則入
告爾后於內爾克敘典在德時乃罔不變又曰申畫
郊圻慎固封守以康四海其委任責成至於如此而
數公者卒能克成厥功以永有周之盛則夫控制中
原之要害以資藩屏之功者其任之重而施之大也
明矣他如劉琨之仁化大行陽城之撫字心勞冠準
之留心民事皆稱爲陝守之良垂之竹帛以君踐履
動法古人不欲以漢唐宋諸君子自許則夫正經界
固封疆敬德變時謀猷告后遺甘棠之愛起伐柯之

歌以追復二南之化將必有日矣然則予雖違君而
陝民之遇平君也不尤愈於予乎乃若以小蹟大伸
群然爲名位之說予固知非君之所欲聞而亦非予
之所以望於君也弘治十一年二月既望

賜進士出身承德郎禮部主事無錫錢榮書

去年三月見封章最知是層霄一鳳凰榮流涕漢廷
思賈誼夢觀風南國愛甘棠金山深花柳遲行騎
夜久樽壘隘別腸離話幾回情轉激濟秦關渺渺
月蒼蒼策

春風五馬別都城策盃酒聊傾萬古情金明月不孫

今夜夢果高山應重舊時名
蔡謾從詩杜憐虛席清
閒向棋壇憶覆枰
回首白雲天咫尺
金短亭聊復駐雙旌
景

十載南宮起令譽
蔡抗言曾上萬言書
策青天心事真無愧
金白首交盟定不虛
景嵩嶽峻偏我對
滌河流襟帶總民居
濟馬頭隨處清風起
策野望長吟興有餘
金

傾蓋論文惜別筵
金坐深青眼更依然
景陽春帶得車前後
蔡古洛循來地左偏
濟何處亂禽啼白晝
策幾人流水識朱絃
金東風綠草應南浦
景多少行人

恨轉牽濟

晚來高興溢餘樽
濟世事無端且莫論
某坐裏燈花
忘漏永金夢中詩草憶春溫
某壯懷激烈空千古
榮家學分明自一源
濟匹馬悠悠太行路
某夕陽長嘯野雲昏金

春夜聯句贈行併錄於此
濟爲杭稽勲某爲華
庶吉士策金爲陳秦二戶部榮又識

虎谷王君既有陝州之行
凡游於君者皆爲會以序
別而白巖喬君則首舉焉
是會在靈濟與者九人聯
句得古近體若干首
越三日柴墟諸君繼會於慈仁

出郭登高視靈濟必四人增三人又聯近體若干首
越四日又會則于杭君世卿越五日又會則于何君
子元其人有同者有不同者各聯近體又若干首前
後凡四會寶與者三白巖無弗與也其于聯句無弗
倡也諸作既具於是歸白巖書之先靈濟次慈仁次
世卿次子元牽連成卷以歸虎谷蓋數年以來贈別
之盛若是至矣寶不敏幸得從二君知二君道同志
文同業出入同事視諸同年同朝同鄉者特厚今虎
谷遠去其國白巖何能爲情哉燕餞之不足而召諸
賓客至再三弗已衆人者之言一人之意也夫君臣

朋友皆以義合其所厚薄觀於其一可以知二寶寶
驗之多矣昔之人蓋有以招之不來麾之不去為臣
事君之賢而論朋友者亦謂貴在不可得親不可得
疎厚薄之道略見於是虎谷素篤於君臣而茲行尤
其大者則于朋友宜其無所薄也凡天下之言交者
皆將求之况白巖其厚者乎寶觀是卷而有感焉因
附是說弘治戊午二月二十九日二泉邵寶序

靈濟宮聯句

使車不改舊馳驅鄉西望甘霖正與俱
總劇部分在
當陝路難清
朝結繡
綬朱
石
春寒晚待輕陰
臺

夜悄誰憐片月孤何孟春試向春明問前路辦平平好
砥未荒蕪寶

東省才名十五年欽郊飛皂蓋過潁川寶洗心定既

陳年案囁作法曾論顧役錢珙統郡青山詩有助字

旌賢朱紱詔應先孟春春來無限雲霄夢紀長近蓬萊

咫尺天

東風惜醉是離筵孟春琳宮相省思惘然欽共道今春

須秉燭寶未論他日欲留鞭紀衙開山色南連楚

地控河流北到燕字試檢漢家循吏傳字幾人名績

沈公編

暫看老鶴下青真紀共訝霜毛照廣庭
洛浦神思才子賦瑤涂山人樂醉翁亭
宇春來百興無端劇宗吟罷詩竟正爾醒
春記取玄都風景在寶桃花紅復
免葵青歎

飛觴先賀陝州人唯高蓋南來得寇恂
瑤洛下采風

曾立馬

字應韶先使河南

有立馬錄故云

池中迎浪見攀鱗宗一麾

不作延年恨

孟春

五嶺猶歸刺史身歎他夜梅花堂

上月寶依然風韻共嶙峋

紀

行春五馬正從容折柳亭邊別意濃

孟春

康濟有才

忻得郡欽追隨無計願爲龍

寶青綾舊憶南宮直宇

白簡爭傳左掖封
唯坐對空尊聊一笑
紀忽驚風雨
過高松瑞

東風尊酒送君南
瑞記得三刀夢裏談
字應詔一月前嘗夢論作州事

驛路先聲迎竹馬
宗使車餘窾附詩龕
孟春頴川舊

守名應並鈞
國賢舊爲許州守固云
召伯遺墟澤又覃
寶他日賜

環趨急召嘆不妨重爲整朝簪
紀

偏側離心不易降
宇共尋幽閣倒春缸
瑞清風一路

應隨馬紀碧洛交流正繞樓
囑勸課漫勞經濟手實

侑歌休作別離腔
欽宦途眼底誰平步
孟春鎮定才

華見擊撞宗

中年苦作別況此平生游遊夜來愛明燭欲去且復
留寶清尊信奇物豁我萬古愁紀俯看春浪生汎汎
一虛舟珙道人地自靈風雨撼龍湫字方春豈無贈
索此柳未抽孟春水雪釀餘寒光生五城樓欽健馬
當歷板終爲伯樂求宗吳鉤未全試奮激鬚如虬唯
嵩雲爲君閒倏忽當軒流珙咲談擬周召坐鎮東西
州寶遠風續甘棠懷賢忽輕丘珙正途在伊洛吊古
且迴輶車守秋衣潼關戍凍恤閭鄉囚唯律學漸可讀
兵機買能籌字誰言將送煩竚見疲瘡瘳珙興神動
高咏響振山幽幽寶吾生本顛直不識紋與鉤唯望

塵者何人豈雪此顏羞字壯哉烈士志難與俗子謀
寶賦非湘水吊書待周南脩放歌不能罷仰見星河
浮耀一笑送君去天末生清秋紀

慈仁寺聯句

暫憑高閣倚清空囉洛水秦山入望中
鱗千里清深春草色離一簾香坐雨花風
宇餘生到處皆君賜李古郡傳來有召功和楊廷看鏡肯憐雙鬢改
此心元不是飛蓬吳

野寺春明煥物華贊離情詩思兩無涯廷和青青柳
弱那堪折裁白白雲深半欲遮嚴河上分持祠客遠

鶴省中署疏侍臣嗟嘆長沙不父應前席貴莫向滄

江間釣槎宇

芳春維維夢繞昆廬宇太守前族已在途貴樹老甘棠
重作陰建和律田幽谷更嘯枯鐵虎岩月白逃孤兔
嚴棘路風清起鳳雛雛鶴攬轡知君無限思唯且憑山
色倒春壺貴

客路煙霞駐蓋時鶴問君垂組欲何之唯天連春水
孤帆遠貴樹隱晴龕牛梵遲濟郡入弘農多漢蹟宇
官思宗伯尚周儀贊鯉庭縱遠離憂少鐵移孝從來

慰所思廷和

春風隨馬赴伊瀍濟聖代專城每得賢宇望重儀曹
非蒞仕贊詩傳吟社已連篇是扣朋簪暫盡歡仍處
岐路將分恨轉牽儼欲盡離觴迴返照唯薊門千
樹渺雲煙鶴

禁城花柳欲分春儼殘雪多情洗陌塵晴閣浮暉
朱網動鷗野橋生暖碧波粼字庭闌北戀瞻雲日贊
消息先傳聳吏民廷和莫道長安與天遠鉞寸心元
不隔楓宸宸貴

十年交誼重青雲鉞尊酒于今且暫分儼草舍春郊
惟曉騎鶴山連平楚憶橫汾唯儀曹事業乾坤在貴

晉谷清名遠近聞濟我亦從來輕賦別字高歌元不
爲離群贊

春官領郡散陽和廷和千里遙添喜氣多
鉞笑把一麾西近陝儼擬陳三策北防河
鶴晨裝共訝圖書重
巖曉夢猶驚劍刃履過貴最是當春惜離別
濟春陵誰和次山歌宇

寒勒幽蘭未見花貴自緣春色遠天涯
濟將分自陝東西地宇官坐如曹早晚衙
贊少借詩情供吏事廷和
只憑清操息民譁鉞山城更鼓分明夜
儼應有賢書報政嘉鶴

世卿席上

行日無多別思深
賁惱人花事半晴陰
宇觥觥共惜如風手
孟春帖帖誰持似水心
賁秉燭桃園真勝會
濟下車棠樹可幽尋
賁尊前莫恠歌聲激
賁洛水秦山有賁音
孟春

春色無端已二分
賁一縣清社惜離群
濟東周化遠西連晉
宇南國經傳北到汾
賁待漏此心猶夢警
孟春賁瞻雲隨地有書聞
賁實行行莫吊梁王傳
孟春聖主深恩過漢文
宇

子元席上

五馬恩光照陝東

毛

十年郎署仰高風顧甘棠陰裏

今猶古寶老栢窓前我與公宇封事避人焚舊草汪

危根隨地託孤蓬孟春離情莫問春深淺欽且對花

枝一笑同

吳鵬

君去何年馬又東澄一鞭千里躍清風清行囊肯以

詩爲累

孟春

斷案應知判獨公宇雪沮昌黎猶識路

寶家懷度索忍省蓬潔齋不作無生嘆孟春曠達從

來我輩同

一鵬

博趣齋藁卷第二十三

擬別知賦贈吾友王陝州也

巍巍太行之嶙峋兮盤厚地而塊北枕三晉而控燕
齊兮萃扶輿之瀚溔中峻適爲虎谷兮歛上黨而辟
截繭脩嫋於若人兮瓌淑姿而秀拔鬱彊理之相望
兮屹北巘之橫岡前石龕而後拍巖兮曰吾與子之
舊鄉曼余目於寰區兮周流四方又乃下觸並路之
崎嶇兮蘊素情而莫寓舍結悵以延佇兮爰締盟而
要之悵吾道之弗返兮諒伐木之在茲揖東皇而導
文昌兮遂騁步乎曲江啓閭闔以達籍兮寤委質於

遭逢聽鐙鸞而侍玉璫兮克下位於南省縉紳離興
芳芷兮佩夜光之耿耿奉朝夕以輔仁兮縉載籍而
拔文心怵怵而亮直兮匪吾人其誰敦何浪跡之靡
處兮怵怵而多虞辭京洛以載入兮送日月而居
諸邈正學之湮淪兮羌永慨乎遺矩摭微言而奮力
兮共條分而析縷末俗日以工巧兮兢呢訾而訾謾
指迂狂以朝誚兮曰非哲人之所安步踣而徑趨
兮言侃侃而不惑苟余分之當然兮又寧較孰失而
孰得排異端而昌言兮邁允踐於厥躬怒上顏而渙
怒兮固余心之所同荅蕙化而雜揉兮紛魚目之混

珍也悄悄而介立兮鬱孤憤之莫伸也邇豐隆而
上征兮扣帝閭以懲艾皇空曾無私阿兮囿萬物而
無外雷霆倏鼓以威兮忽雨露之沾濡殆苦心而抑
志兮彼焉知造化之所如羞瓊枝以戒行兮葺蘭茝
之初服忻順受以康樂兮匪慙尤之是贖出國門而
南驚兮指甘棠之遺墟帝重念此蒸民兮簡賢勞而
受圖竊儻佃以鄣籬兮習習其塊處也恫麗澤之漸
違兮思好脩而莫吾與也淑景轉而司春兮撫白日
之衆芳旆旌搖搖不可以止兮意緯繆而難忘雲屏
屏而結蓋兮馳余情以求索覽蓬瀛而歷崑崙兮隨

上下之所適維人生之大節兮曰行義而不頗嗤彼
氓之粟斯兮沫襲愆而踵訛棄嘉運以遠遊兮豈吾
子之獲多輕陰害而有寤兮雖外處其亦何嗟辱余
質之怊愁兮悶悟道之不早窮年矻矻而未得兮恹
役心於辭藻中怵怛而外觸兮聊徒倚而遐思會晤
不可常眷眷兮嘆中道之分岐余固知曉曉而無所
用兮惟知我者之難得往事既莫余追兮廢來今之
不惑莽悵悵而欲有贈兮具前脩之格言尚崇德以
永譽兮矢斯盟之勿諼

太原喬宇

常羨髯翁引鳳雛論高遠慮世嫌迂今無地著奇勇
子後有人稱大丈夫豈肯皺眉當綠酒還看掉臂策
驪駒方州落手堪行道要使齊民周際蘇

長洲陳瑞

客歲墜馬新年未出閭守郡未能走拜而舊愛
之深令人悵悵謹以鄙句道情恕其草草

山比孤高玉比清應知此出是榮行霄嶂舊數驚人
句骨鯁兼傳瑞世名共惜深懷遠綠侍即看善政到
蒼生寰區拭目瞻星鳳文采翮翮畫不成

傅潮

次錢世恩韻

行藏如此我何諛
權貴分明用筆誅
盡使功名隨世就
却將道義仗誰扶
春明門外俄千里
砥柱山前只一夫
莫信暗冰妨著腳
幾人顛躓不曾趨

彭桓

十六日大風有懷

祠部先生應韶尊兄錄似聊一嚬云耳

長安曉起翻黃埃
狂飈劃爾從西來
初疑混沌欲開闢
旋覺樓閣迷崔嵬
海濤千頃擁平地
半空誰遣轟驚雷
倚牆大樹抱幾合
高枝拂地低枝摧
飛沙墮瓦

不知數重門深閉曾誰開耳邊澎湃已三日餘疑尚
在仍徘徊我思太行有奇士如何坐事縲西臺西臺
此夜不可道寒飈老屋爐無灰平生磊磊金石抱世
塗巖嶮真難哉兀坐孤燈過三鼓詞殘伐木令人哀

劉瑞

病中寡接昨始知有陝州之行數日耿耿枕上
輾得數韻錄上踈拙可愧冀照於詞意之表也
強扶新病致新詩義在投心不在辭雨露十年從此
別風塵兩地結相思矜誇多得知還淺標榜高名見
恐卑隨道卷舒舟不繫料君懷抱迥無涯

虞牧多煩漢署郎朝簪忽換郡侯章諫書一洗三槐
恨確論重揚百代芳豈止州民蒙德澤定看伊洛避
文光由來法印非溫飽到處知君樂且康

高歌一曲過行雲世事茫茫詎足云瀝膽獨期無負
國吹毛誰肯放過君地方潮柳還堪喜郡跨周秦合
貴勤願把真誠移撫字始將幽興托詩文

皂蓋朱輪暫屈才鳳城翹首莫徘徊民間重困關心
久天際輕陰計日開詩社最憐盟主去郡民人賀福
星來錦囊貯看還金闕遍寫中州物象迴

張志淳

王君應韶文音工政事節行俱出人表向以職事
應韶直言畧不顧忌衆皆危之賴

皇上仁聖寬容忠直近以過誤得罪衆復危之又賴
皇上保全輕謫外州由是縉紳益重應韶之名而咸
頌

聖上之德矧應韶以英邁之資早列清班雖古人之
書無所不讀而州縣民事恐未盡諳昔漢宣帝
試蕭望之於三輔我

太祖高皇帝出宋景灋爲知縣蓋皆欲老其才而天
用之應韶今日之行雖在逆境焉知上天之意

聖君之意庸非玉汝於成乎予與應韶爲同年同僚
知之深而畏之甚故于其行贈之詩以慰其心
奇才正學重名公直節清脩激懦風劉向盡忠忘顧
忌文皇好諫每優容去因微罪

恩何厚出守名邦任亦隆民事暫從三輔試還期功
業古人同

王倫

千載甘棠頌召公陝州應許繼流風久知義易占无
妄曾讀周書訓有容鄉里衣冠名獨重少年勲業望
方隆近民慎勿嫌平易君子由來但貴同

王瓊

一杯東送拍自公手挽虬髯對曉風遠道朋遊真落
莫清時州郡亦從容題街以將名應舊臨講兼師禮
更隆宅日忠言今惠政江湖廊廟本來同

邵寶

少年才氣貫長虹便有文章動詎公抗疏幾回扶正
學謀身一意伏孤忠聲名要使同前哲踪跡從渠任
轉達暫把一尊澆磊砢直將心事付蒼窮

山陰王鑑之

直言前日士夫驚知有今朝陝郡行營救獨慚臣膽

小保全終賴

聖心明闇闇此去看歌誦闇闇重來聽叫聲雙鬢尚
玄官五品他年遠大望功名

楊廉

弘農自古稱名郡

聖主憂民出省郎共訝一麾新剖竹獨違雙闕罷含
香春深聞鴈遇漳水天霽停驂看太行豈但甘棠追
舊沐漢廷終見召王陽

仇東

走
仰大名久矣在都下雖屢登龍門未獲一聆

矩誨以爲歎昨幸接顏色甚副本望洗風心過
復荷金聲下追盟手朗誦何敢仰承然慶幸得
先生長者一珠璣筆墨蓋未可描畫也不自揆
學押步霜韻呈上當謝也惟取其意而略其詞
伏希悚然

全樹魯樓第一枝暫收行李下彤墀誼忠肝膽連章
上骨鯁風聲四海馳欲將苦口瘳時病不管平生井
救飢明王年少充憐士未許先生久在湄

劉台頓首

二月望后一日得會世恩宅歸自馬上口占一

首奉承求教

輕雲黯淡輕風疾馬上行行何嘆息昔有長沙慟漢
庭今見王郎與之匹仰視皇天天不言滿空惟有月
娟娟西遊太行下碣石便覺春意面顏連

陳策

陝州

命下士論惜之然在執事視屈猶伸也小詩奉慰
多見其贅耳笑而置之

心事真堪問鬼神不妨蓬轉任風塵賈生漢室曾流
涕韓子潮陽敢愛身雲夢家庭懷鯉對天高宮闕戀

堯仁一麾仍有專城寄未必青山是逐臣

吳一鵬

乾坤正氣屬英雄此日封章啓舜瞳
闕下未曾除首惡陝東先已斥孤忠
斗山忽起蒼生望霖雨終爲聖主崇
周室欲安天意在肯教賈父义居東

楊節

此生肝膽嫉奸諛一疏嚴於斧鉞誅
直道自甘隨處樂孤身端不仗人扶
更新事業看儒吏依舊旌旄建大夫
砥柱山頭獨揮手黃河千里正奔趨

無錫錢榮

都門萬里陝州程正馬東風送客行坐謫如陞名愈
重孤忠中法禍先萌是非不待百年定勝負何須一
博爭天祚吾

皇終見召路傍遊子莫相驚

豫章范兆祥

貢往歲差清口辱公長句爲贈作別後展讀前
卷懷感之餘謹次韻奉寄極知續貂深用慚悚
惟冀鑒亮幸甚

君行有期我不悅欲向都門挽旌節僕夫曉發人不
知夢裏髯郎已成別髯郎所養負正氣往者好奸奮

雄舌被肝瘞膽數千言不是爭名較污潔機牙巧伏
衆方危理命自安心不折憂如小范無近遠哭比長
沙仍哽咽經綸事業一肩擔鼓鑄鑪錘雙手掣

九重咫尺豈萬里重瞳展轉非一瞥虛懷疑洽魚水
情投閒又中鬼蜮說

朝廷待遇禮不薄朋友論舊道真缺送行無詩執手
悲借抄有草汗顏聞天機轉動在須臾人事虧誣盡
崩雪西行數月星宿應北來一騎風雲掣輿論中外
正掀騰薦章南北何紛迭入

覲惟知舊典遵超遷自與長流別十年學道今可傳

一德潛孚心不熱
閑輔翼翼山水雄
庠序洗洗襟佩
綴定知講授沂程朱
亦有詞章過江浙
海陵不獨安
定胡河東重見文清薛
髯郎致身本卓犖

聖主用才亦奇絕
半夜行召誰進對
前席尚虛不曾
徹

陟降有筆可紀錄
左右無人更媒孽
歸來臺閣已預
卜從此歲月須思
揲不才碌碌甘愚
駭華髮紛紛玷
交結起看華嶽萬
仞高一夜愁城手
難閉

李貢

乾坤公道復如何
五百年來見不多
氣壓貂璫孤節

勁文排佛老太山磨雖爲去國餘千里畢竟還朝主
二和病衣不勝情事感甘棠先代陝民歌

張子渭

折柳亭邊歲一初春風管領上單車名當去國方難
避計不謀身未是疎時政論餘饒感慨騷辭讀罷幾
躊躇陝州今見文章守天屈清才試簿書

何孟春

祭虎谷王先生文

曰嗚呼混沌既鑿兮大音聲希嚙遺真哉兮簸扇風
紕遡洄獨往兮彼何人斯往懿不可作兮流風將在

茲考德問俗兮載龜載蓍曷云其旋兮曾莫惠我私
朔風其涼兮百卉俱腓曷以招
公兮太行之巔涑水之湄尚
饗

莆田周宣